

Emakumeen futbola ere, bada futbola

Alaitz Seoanek eta Ainhoa Alonsok txikitatik jokatzeko dute futbolearen. Talde garrantzitsuetan aritu dira, lehen mailan jokatu dute eta Euskadiko Selekziorako hautatu dituzte, besteak beste. S.D. Eibarko lehen taldean jokatzeko dute egun eta ia 2. mailara igo ziren. 2015-2016 denboraldiko helburua da mailari eustea, baina futbol-zelaiko borrokaz gain, gizartearen aurreiritziekin eta mutilen futbolaren nagusitasunarekin ere lehiatu behar dute oraindik ere.

Mutikoen ostikada artean hasi ziren biak futbolearen jokatzeko. Gaur egun, Alaitz Seoanek 24 urte ditu eta defentsa da; Ainhoa Alonsok, berriz, 26 urte ditu eta aurrelaria da. Horrez gain, kirol begiralea da Alaitz eta ingeniaria Ainhoa, nesken futbolearen etorkizun profesionala ondo lotuta izatea ezinbestekoa delako. Alaitz ermuarra da eta Ainhoa Ermuan bizi den bergararra, baina S.D. Eibar taldeko aldagelak konpartitzen dituzte azken urteotan.

Euskal Ligan aritu ziren ia 2. mailara igotzea lortu zuten, partida bakarra galdu eta gero. Aurten, baina, aurkariaren maila altuagoa dela igartzen da. "Sailkapenean erdiko postuetan gau-

de, puntuak harramazkatzeko, baina uste dugu erraz lortuko dugula mailari eustea", diote konbentzitutak. Zenbat eta maila altuagoa, baina, orduan eta konpromiso handiagoa eskatzen zaie: entrenamendu gehiago astean, kanpoan jolastu beharreko partidak... eta hori guztihori lanarekin edota ikasketekin uztartu behar dute. "Gazteagoak ginenean, profesionalak izateko ametsa genuen, orain ez, futbola hobya da eta horrela hartzen dugu".

Muturreko errealitateak

Mutilen eta nesken egoerak ez dauka zerikusirik. Konparazioa egitea zentzugabekeria da, muturreko errealitateak direlako: "3.



Alaitz Seoane.

mailan edo preferentean jokatzeko duteen gizonek diru gehiago irabazten dute lehenengo mailan jokatzeko duten emakume askok baino — dio Ainhoak—. Esku bateko atzamarrekin zenbatu daitezke futbolaz bizi diren emakumeak Espainian, eta Euskal Herrian zer esanik ez! Estatu Batuetan, aldiz, emakumeen futbola dago gizonen futbolaraino gainetik: haiek dira kobratzen dutenak eta harrailak betearazten dituztenak. Brasilen eta Argentinan ere nahiko aurreratu daude. Europan, Frantzia eta Ingalaterra dira puntakoenak, baina oraindik lan asko dago egiteko".

Hala ere, onartzen dute ezin direla euren egoeraz kexatu, ez dutelako soldatarik, baina behintzat ez dute-

lako ordaindu behar jokatu ahal izateko: klubak arropa ematen die, kanpoan jokatzeko dutenean autobusa ipintzen die, fisioterapeuta daukate, material eta aldagela hobeak lortu dituzte... Baina astiro-astiro lortu dira hobekuntza hauek, "orain arte injustizia gehiago ikusten genituelako", diote. "Lehen, edozein kategoriatako mutilek lehentasuna zuten entrenamendu eta partida ordutegiak ipintzeko. Orain, lehenengo mailan dagoen mutilen taldearen atzetik gu goaz".

Eta noren esku dago baldintzak hobetzen jarraitzea? Euren ustez, fronte ezberdinak daude. "Alde batetik, jokalariek borroka egin behar dute gurek. Bestalde, klubek neskatilentzako eskolak

Emakume ermuarrak futbolearen:

- 2. maila: Ainhoa Alonso, Alaitz Seoane eta Laura Prieto.
- Erregionala: Andrea Cedeño eta Lidia de Luis.
- Kadetea: Julene Olaia, Itsaso Gorostegi, Marlén Ferreira, Ane Prieto eta Paula Suárez.
- Urki Infantila: Malen Olañeta, Leire Ruiz eta June Hernández.
- Alevin eskola: Ane Gorostegi, Mara Gandiaga, Ariane García, Aroa Cernada, Nora Garabal eta Amaia Aginaga.

Ferreteria ANBOTO Burdindegia

Orain KOTXEKO GILTZEN KOPIAK ere egiten ditugu

943 17 69 76
607 33 11 77

ZUBIAURRE, 25 ERMUA (BIZKAIA)
www.ferreteriaanboto.es

Caperos

Pinboak · Razioak · Kaxolak · Plater konbinatuak · Ogitartekoak
Probaleku z/g (Ermua) 699 292 043 · 636 549 154

izan beharko lituzkete, mutikoentzako dituzten bezala. Instituzioek horrelako ekimenak bultzatu beharko lituzkete eta komunikabideek nesken futboleko arreta ipini beharko lukete”, azaltzen dute. Orain arte, inork ez diela jaramonik egin sala-

tzen dute, herri aldizkarietan baino ez zirela agertzen, noizbehinka, eta izkina txiki batean. Baina gauzak aldatzen doaz, Eibarren behintzat: laz San Juanetako pregoia eman baitzuten eta Euskal Herriko Itzuliko etapa bati irteera eman zioten.

Ainhoa Alonso.

- Zure indarguneak?

Abiadura, teknika ona, abila ateari begira eta bi hankekin jotzen diodala baloiari. Gainera, esperientziak ematen dizun balore hori daukat.

- Hobetzeko?

Kontu defentsiboak, kokapen aldetik.

- Nor miresten duzu?

Messi eta Vero Boquete.

- Entrenatzaile bat?

Guardiola, momentuko talderik onenean iragana- ren eta geroaren arteko mugarria izan zelako. Bere futbola ulertzeko modua transmititzen jakin zuen.

- Futbol zelai bat?

Talde bezala, lpuan jokatzea gustatuko litzaidake.

- Amets bat?

Lehen mailan denboraldi batzuk ematea gustatuko litzaidake, baina orokorrean amets guztiak bete ditut futboleko.

Alaitz Seoane.

- Zure indarguneak?

Azkarra naiz, buruarekin jokatzen dakit, ez naute partidatik erraz ateratzen eta teknika eta kolpe onak ditut.

- Hobetzeko?

Gauza asko, baina tira, nahiko ondo moldatzen naiz.

- Nor miresten duzu?

Ez daukat prototiporik.

- Entrenatzaile bat?

Guardiola eta Valverde. Azken horrek Athleticen lortu duena ikaragarria izan da. Kopako finalera berriro heldu eta Supercopa irabazi.

- Futbol zelai bat?

Ipuruan futbol-partida jokatzea nahiko nuke. Bigarren aukera, San Mames.

- Amets bat?

Lehen mailan jokatzea, baina lortu nuen. Athleticen jokatzea izango litzateke bete gabeko ametsa.

Fronte horiek guztiak nahi-koak izango ez balira, gizartearen zati bat ere kontrari dute. Futbola mutilen kirola dela entzun dute askotan. “Gazteen ahotik, gainera —diote harrituta—. Normalizatzen hasi bada ere, esaten dute ez dela posible emakume bat futboleko aritzea. Askotan ez dute sinesten, fisikoa begira eta “ez dator zure itxurarekin bat” esaten di- zute, hitz horiekin gainera, gorpuzkera zabalak edo mutil itxura izan beharko bagenu bezala. Baina beste batzuk haratago doaz, eta mespre- txuz esaten dizute emakume- en futbola ez dela futbola”.

Jakin badakite emakume eta gizonen futbola ezberdi-


na dela. “Guk indar gutxiago daukagu eta horregatik bu- ruarekin jokatzen dugu: gu- re futbola askoz ere tekniko- agoa da, taktikoagoa —azal- tzen dute—. Mutilena inten- tsuagoa da, fisikoagoa, inda- rra eta kontaktua dira nagu- si. Afizionatu batzuek gure futbola nahiago dute, eta guk horretan tinko jarraitu- ko dugu”.

Euren lana ez da alperrik galduko, neska-alda itzela datorkielako atzetik baloia hanketara itsatsita. Tartean, 19 ermuar daude, 10 eta 22 urte bitartekoak, Eibar tal- deko kategoria ezberdinetan trebatzen, eta horiei etorki- zunik onena opa diete.

Dorleta Vidal



Ainhoa Alonso.



TOLDOS Y PERSIANAS ORBE

- MUNTAIA ETA KONPONKETA
- MOTORIZAZIOA
- PERTSIANA DEKORATIBOAK
- PERTSIANA BILGARRIAK
- SEGURTASUN PERTSIANAK
- MOSKITERAK
- ESTOREAK
- GORTINAK

TAILERRA: Zearreko buelta, 2
Tel. 943 17 66 34
Tel. mugikorra 630 01 13 41
48260 ERMUA (Bizkaia)

ERAKUSKETA: Karabixa, 1
Tel. 943 17 98 60
48260 ERMUA (Bizkaia)



-%50!!

Atsedendiaz
hitz egingo
dugu?

**Zubiaurre 32
(Ermua)
943 177 041**



**Denetik zure
maskotarentzat!**

- Maskotentzako janaria
- Katu eta txakurrentzako osagarriak
- Maskoten autogarriketa
- Ileapaindegia
- Hezitzailea

Tel.: 943 05 44 20
Bizkaia etorbidea, 11 - eskuma
48260 ERMUA (Bizkaia)
bobby.todoparatumascota@gmail.com



Tel. 618 89 29 60 - 620 13 65 23
E-maila. enolimp@hotmail.com
48620 Ermua (Bizkaia)

Atariak - Bulegoak - Lokal komertzialak - Enpresak
Obra amaiera eta erreformak

www.enolimp.es